

明  
詩  
紀  
事

明詩紀事

貴陽陳田輯

彭孫貽

二十八首

孫貽字仲謀海鹽人太僕期生子拔貢生鄉人私諡

孝介先生有茗齋集

明詩綜王貽上云仲謀詩宏深奧衍變極奇  
明人詩鈔正集仲謀太僕期生子太僕守贛州盡節  
章貢臺故吏杜鳳林桂芳等瘞之臺上尋爲部將楊  
大器與萬安義士會蕘泉潛發之搆歸萬安及仲謀  
至無所得而人言藉藉有謂太僕踰嶺去粵西者是  
時狐鳴魚帛所在假託禍機不測仲謀乃詭爲得骸  
招魂以歸陰囑故吏徧蹤跡之卒不得消息仲謀素  
衣蔬食不交人事二十餘年有時獨立書空或中夜  
起坐悲歌痛哭人見而怪之乃賦遠遊以釋羣疑迨  
仲謀出門而義士會蕘泉以太僕遺骸至仲謀聞之

奔赴發喪制服擇地以葬卒抑鬱以死仲謀詩諸體  
 皆擅場樂府古詩直造漢魏晉宋人堂與七言歌行  
 間作初唐體有時學溫李至律體之溫麗絕句之蘊  
 藉與難弟美門無多讓焉  
 田按余閱美門松桂堂集無一語及其兄仲謀並無  
 一語及其父太僕公天下豈有無父之國哉興亡之  
 際難言之矣仲謀詩沈壯鬱勃為明季一作家其度  
 蓋寒食怨詩云度南草枯向南樹吹作度臺塚旁士  
 望帝思君君未歸嗚盡顏江寒食雨紙錢溼煙飛不  
 起五父荒墳石無主幾人江上共招魂瘴海青蠅弔  
 泉戶平原門下客劉生沽得梨花一杯乳獨酒西州  
 淚數行滴入泉蘆草根苦徹頭孤兒望臺哭跪問道  
 旁雙石虎何處龍蛇錦上灰浩浩東風鳴鳩舞當是  
 尋太僕尸不得時而作也

青溪小姑曲

白石隔青溪小姑長獨卧彩虹可作梁青溪不可度

玉階怨

獨坐惜羅襪青苔生未歇夜深梧影來仔細尋秋月

長相思

蜀柳柔碧色盡是含情枝吳蠶不上筐那得長相思相思道  
長心斷絕隴水無聲寄嗚咽悠悠千里下秦川秦川盡處洲  
如月月明恐不到君傍君對月明應斷腸清霜兩地訴容鬢  
莫憶故人憶故鄉

秋歎二首

豺虎晝方喧白日長閉門閉門自有人我胡守故園近聞溢  
城下水戰魚龍昏大江日夜流萬里長波翻跣行踐荆棘苦  
月送旅魂烽火塞路岐欲去每聲吞

夜月鴻雁飛流影到几席高臺埋悲風歸者乃無翼三年江  
楓青一夢秋月黑淮雨吹覆巢其傍多燬弋毀形謝交遊廢

圃自耘殖柴車吾將行歲晚不遑食

埭溪眺月

埭溪鬱蒼蒼俯見白石路夕陰斂皓月坐久不知暮鳥歸羣  
賴息夜景在高樹萬物自相依流水無心住溪光受山色寒  
雲動宿鸞眾響空漸生人跡杳非故悠然立深更草滴松上  
露

陳章侯畫水滸葉子歌

張吳顧陸之寫真三子聖矣吳入神吳後千年有陳子更開  
生面尤絕倫觀其下手萬象變神鬼觸案窺纖新離奇衣紋  
古面貌愈拙愈秀無前人雄心怪膽破空出思令盜跖張麒  
麟東京橫行草間客三十六彪鬚倒磔宣和佚事譜豺狼裨

官嗜舌搖矛戟章侯筆縛牡虎髯白墨蟠屈行蛇蚺方頤猛  
士性火烈銳頭鵠突花巾尖提刀顧盼意洵洵自云義劍無  
妄殲卽今寇盜鋒相敵煙霧中原亂鳧鴨張曹左革花刺袍  
安有斯人不弄刀梁山狂兒其寫照鬚眉槎枒山鬼肖邗人  
鬪虎杭鬪特豬奴葉子今英妙細看繡梓情思深寫盡張角  
黃巢心真龍智勇猛虎服雲臺畫者曾平林

棹頭行

黃金臺成凡馬至騁駟駢耳俱透巡凌雲詞客新得意驕嘶  
高馬胡由馴彭耶掉頭仰天笑翻身歸釣西山鱗鱖魚正肥  
尊茶熟痛飲三日梨花春狂來或走諸山上海水一杯莽相  
向觀潮起色僕未能文園卧病人亡恙世上文章那足論窮

三金名一  
途意氣輕相讓丈夫落落非失意乾坤尚有容汝地或可披  
裘大澤中不然去採湘江菱麒麟母爲妻子羞清狂不畏時  
人忌長安第宅高比天須臾烏雀羅秋煙黃金橫印何赫奕  
指顧牛羊上墓山以茲感慨更投筆曳杖歸山抱犢眠

湖上問絃索歌

鳥飛日落煙冥冥湖波不動羣山青棲鴉唳破半湖影欲沒  
不沒三兩星昏黃小槽隔溪語清歌滴瀝沈秋雨一聲能使  
天早寒蕭蕭亂葉飛螢裏湖舫美人背絃立夜深始怨哀絃  
濕三絃撥振湖鵲翻柳梢月重天河急寒塘悄坐孤蓬客霜  
梧仔細尋秋入露來嚮絕夢不歸淒眠夜半成頭白

武陵施

武陵山青嶽業武陵之水何紆紆丹泥而朱提黃金錯盤螭  
帝詔武陵麻衣墨纒出草廬麻衣纒帶名馬黃駮雷司馬門  
開崔巍職方象胥鯁背駢趾堵墻立覩尙書來帝坐司馬門  
賜喻麋中監給仄理從容坐對臨平臺平臺十二墀金吾開  
鹵仗貂衣兩璫捧白麻傳制尙書拜丞相赤金紫蟠虬尺一  
朱押填衛士傳魚鑰監宮夜呼啟門鍵丞相暮出文華殿車  
何噉噉馬何屯屯虎賁御車丞相夜坐司馬門綠衣裂麻廷  
諍辭嶙峋帝爲丞相逐小臣咄咄丞相威莫倫櫜槍夜離離  
軫翼紛相虧蔽彤弧黃鉞金根熊旂栢梁高宴帝賦詩帝送  
丞相出視師丞相開幕府握中權諸侯俱膝行再拜不敢前  
徙易大吏斬僂令牽司爵司寇不得專芻如山騎如鷺甲如

林鋌如屋朝焚襄陽暮屠洛陽丞相有矢不得發一鏃雉經  
未罹羅狐死不首邱悲哉丞相丞相下從二王遊丞相來車  
斑斑駟彭彭丞相之去飛素旌素旌如鳥武陵溪流淫浩浩  
丞相班師止歸旒

蕭山望海樓

危樓延野勢荒樹盡孤村一壑奔雷雨羣山赴海門帽簷雲  
氣逼天角大江渾指顧分吳越長流屆水痕

與仲木夜話湖上

不速逢良友方舟話夜分憂時深對酒散髮細論文酷暑逃  
人境清言落水雲枯槩聲正渴未忍醉殘醺

避地村居二首

避兵離井邑抱耒入深村  
烏雀柴門喜風塵寇盜尊  
輕陰秀禾耳積水壤籬根  
向夕占晴靈前山白鳥翻

把酒時一醉好山當我門  
三川正龍鬪八口寄漁船  
日脚收殘雨林光散遠天  
千山斷歸雁四望轉茫然

遣懷

南陔聞轉戰嶺上昔經過  
葦路連熊繹桃柳隱尉佗  
春歸巴鳥怨雪盡越蠶多  
何日還初服雲山卧薜蘿

夜至泰和縣

昏黑投山郭天寒水急流  
歸雲接嶺樹江鶴下城樓  
月轉星河直村空戍火秋  
風塵多寇盜行止莫淹留

懸亂詩二首

遠戍淮陰送荷戈中原烽火沒銅駝玉環幸自藏高廟桂蠹  
還愁帝尉佗三月杏花吹野燒千村鬼哭怨饒歌江東可有  
人龍卧痛飲棠梨萬叵羅

卧澤今無舊隱淪近來閑閣擬平津盈廷相顧成投鼠環衛  
何人可畫麟聞道羣儒延白虎何時清論滅黃巾荒濠小邑  
多豺狗不敢高眠理釣緇

高歌夜舞少年場梁燕歡娛在畫堂廚下郎官多狗尾監門  
俠客少魚腸無雙未必來徵辟百一真堪代補亡溷跡酒徒  
甘犢鼻牛衣竟日曝東墻

歸思

閒階露白草離離空館蕭條有所思紅燭夜殘歸夢後黃花

人瘦倚樓時  
山城亂杵催寒早  
官閣疏鐘到枕遲  
孤客獨眠聽不得  
梧桐葉上自題詩

避地賁湖和緯度

窮巷幽棲罷掃除  
前溪殘月上方諸  
紅塵避地經年睡  
白眼看雲萬事疏  
蘼草屢刪詩律細  
園花幾放酒尊虛  
還應鄰叟時相就  
楊柳深村坐網魚

舟阻邗關

淮海盤紆道路長  
扁舟心事正茫茫  
江聲白日收殘暑  
夜月青天在野航  
孤客不堪聞謝豹  
嚴關何意用弘羊  
峭山此去猶千里  
河水東流濟半黃

螺川晤黃交侯共談家難感憤書懷

干戈滿地接山城所在流亡苦甲兵遊子那堪天北望孤舟  
應共雁南征俱傳樂布收彭越相對黃公哭阮生惆悵莫須  
論往事嶺猿已過第三聲

天壇晚眺

周垣環輦道雲物鎖圓邱大典刑牲帛祠官職冕旒銀潢挾  
砌落珠宿抱壇流二祖功殊絕羣倫博考諏乾坤含一氣岳  
瀆視諸侯神鼎高陵闕齋宮御躡留綠苔蟠古簋香草入空  
宙夾路松陰直虛筵鳥跡遊兩京分邾鄆百戰定羸劉五馬  
今南渡三山控上游長江龍虎闕李廟石羊秋野蜚飛花緩  
春燕燕子愁何時上封禪一爲奠神州

海上竹枝詞四首

烏夜村西烏夜嘯馬嗅城外馬頻嘶三更歡去月上樹照見  
踏籍郎馬蹶

蒟蘆山月長珠胎海市未開漁市開殘星滿天細犬吠黃魚  
船上販鮮回

妾家正住南市南鮑郎場外柳移移柳梢繫船維喔喔知有  
新安人賣鹽

江東歸信約今朝空說秦皇石作橋三十六鱗書未到曹娥  
江上不通潮

馮班 五十五首

班字定遠常熟人有定遠小集二卷鈍吟集三卷別  
集一卷鈍吟餘集一卷集外詩一卷遊仙詩一卷樂

府一卷文彙一卷

初學集定遠吾友嗣宗之子也游於吾門其爲人悠  
悠忽忽不事家人生產衣不揜肘飯不充腹銳志講  
誦亡失衣冠顛墜坑岸似朱公叔燎麻誦讀昏睡燕  
髮似劉孝標潤略眇小蕩佚人問似其家故通里冲  
以爲狂生爲專愚聞之愈益自喜其爲詩沈酣六代  
出入於義山牧之庭筠之間其情深其調苦樂而哀  
怨而思信所謂窮而能工者也  
陸貽典元要齋集定遠詩敦厚溫柔穠麗深穩樂不  
淫哀不傷美刺有體比興不墜古之稱杜者謂之無  
字無來感此定遠之長也  
池北偶談馮定遠博雅善持論著鈍吟雜錄六卷論  
文多前人未發  
趙執信信山堂集定遠先生詩原本詩騷務裨風教  
至於條縷體製舍雅頌北宋以來未之有也  
靜志居詩話破禎詩人善言風穰者莫若金沙王次  
回定遠稍後出分鑣並驅次回以律勝定遠以絕句  
見長次回全學溫李定遠多師其源出於才調集也  
王應奎柳南隨筆趙秋谷於近代文章多所嘗獨  
折服馮定遠一見純吟雜錄卽歎爲至論至具朝服  
下拜嘗謂定遠一見純吟雜錄卽歎爲至論至具朝服

田按定遠博學多聞鉤吟雜錄十卷推爲獨絕詩於  
齊梁及唐人溫李無所不仿藻麗中別有古韻固出  
才筆殊絕亦是學古功深觀其論古今樂府獨見分  
麈今具錄於此古詩皆樂也文士爲之辭日詩樂工  
協之於鍾呂爲樂自後世文士或不媚樂律言志之  
文乃有不可施於樂者故詩與樂豈境文士所造樂  
府如陳思王陸士衡於時謂之乖調劉彥和以爲無  
詔伶人故事謝綵管則是文人樂府亦有賦詠者文士爲之  
直自爲詩者矣樂府題目有可以賦詠者文士爲之  
詞如東飛伯勞相逢行青河畔草之類皆樂府之  
別支也七言創於漢代魏文帝有燕歌行古詩有東  
飛伯勞至梁末而七言盛於時賦多言七言或有  
雜五七言者唐人歌行之祖也魏晉樂府蓋始  
行者字不可解見於宋書樂志所載魏晉樂府蓋始  
於漢人也至唐有七言長歌不用樂題直自作七言  
亦謂之歌行故文苑英華歌行與樂府又分兩類今  
人歌行題曰古風不知始於何時唐人殊不然故宋  
人有七言無古詩之論子按齊梁已前七言古詩有  
東飛伯勞盧家少婦二篇不知齊梁已前人代故題曰古詩  
也或以爲梁武蓋誤也唐初盧駱諸篇有聲病者  
自是齊梁體若李杜歌行不用聲病者自是古調如

沈佺期虛家少婦今人以爲律詩唐樂府亦川律詩  
唐人李義山有轉韻律詩白樂天杜牧之集中所載  
律詩多與今人不同蓋律體有仄韻律詩嚴滄浪  
云有古律詩則古律之分今人亦不能全別矣才調  
集卷前題云古律雜歌詩一百首古者五言古也律  
者五七言律也雜者雜體也歌者歌行也此是五代  
時書故所題如此最得之今亦鮮知者矣大畧歌行  
出於樂府日行者猶仍樂府之名也杜子美作新題  
樂府此是樂府之變蓋漢人歌謠後樂工采以入樂  
府其詞多歌當時事如上留田霍家奴羅敷行之類  
是也予美自詠唐時事以俟采詩者異於古人而深  
得古人之理元白以後此體紛紛而作總而言之製  
詩以協於樂一也采詩入樂二也古有此曲倚其聲  
爲詩三也自製新曲四也擬古五也諫古題六也并  
杜陵之新樂府七也古樂府無出此七者矣唐末有  
長短句宋有詞金有北曲元有南曲今則有北人之  
小曲南人之吳歌皆樂府之餘也

陽春曲

銀鉤綵絡雙鸞關錦痕花蹙穠紅皺杏梁燕語莫愁眠絲絲

日影熏殘畫玉臺  
霞霏挂菱花  
漆背金龍雙攬擘  
水翦清眸  
新月曙十指如葱  
扶曉鴉城南陌上  
桑芽綠雲影煙絲交促  
連長簷金櫳不相迎  
暗上墻頭窺宋玉

江南曲

春風一夜吹江色  
千里細煙生  
亂碧草芽纖細偏金陵  
古石苔荒江令宅  
年年歲歲常如此  
千燒萬戰臺城圯  
鴉尾塵埋三閣平  
張孔銷亡二周死  
石頭城下水悠悠  
暗數興亡得幾籌  
山川不改繁華在  
兩槩依然迎莫愁

樓中憶春詞

曉風撼羅窗  
凝霜封碧瓦  
樓中淡日紅  
亭亭琤琮碎  
玉鳴檐  
馬花奩金隱古漆  
光口脂凍滑珊瑚香  
低鬢壓頰  
胡粧嬾試

倚朱闌欲斷腸愁雲塞路關河杳冰痕合處無青草青皇消  
息隔嚴寒小院苔荒人自老

十二月樂辭

正月

煙籠疊錦鴛鴦嬾半夜春回知夜短輕風吹露洗枯條東南  
半樹煙初煖蘭室金堂有新故開歲偏愁歲華度誰將錦帖  
寫銀鉤繡楣兩兩題花句

二月

桃蹊李蹊風綽綽額粧粉膩梅花落衛耶羸病怯春寒珍珠  
如露琉璃薄垂楊逗綠煙如掃銀鞍細犢城南道飛香拂路  
晚歸時明珮金丸滿芳草

三月

蕊和浴日時天紅落花露深淺滿香餘復著春煙護美人握  
鏡紗窗裏峩峩洛髻漫雲起陌頭攜果待潘郎碌碌金車咽  
流水

四月

芳寶墮金丸喬柯壓頰綠鳳花耿介南陌頭銅牙柘彈閒相  
逐細雨空濛裏溼紅錦塘波煖鴛鴦浴翠疊遠山雲簇簇龍  
鱗冷滑鋪寒玉

五月

湘竹波勻血暈光生綃紅影籠虛頰鬢壓枕玉無力槿花  
露笑聞鷓黃纈眼玲瓏透濃日鏡檻無塵花密密水精盃薄

三  
柘漿寒織手金盤沃丹實

六月

輕綬靜無波玉宇少涼意當空午暈紅徘徊吐火燒塵撲天  
地阿侯衫薄腰如束塘上芙蓉花簇簇紅粧待晚未歸來艇  
子雙橈繫江木

七月

河影西迴玉鉤淺露泣鮫珠星閃閃金井沈沈素綆長玉几  
水咽銀屏掩漢帝離宮樓百尺鵲駕迢迢雲奕奕蛛網懸空  
得巧時綠窗風蕩蜻蜒翼

八月

雲凝薄絮天如水桂魄團團夜千里蘭葉參差閃露光芙蓉

粉露愁香死，札札鳴機蟲。噴噴小窗燈，暗拋蠅鼻楚。客孤眠  
愁夜長，流光適罨疏螢溼。

九月

淒淒水國寒來早，千里青青一朝老。山陰古道馬蹏輕，刀截  
山光天杳杳。高樓粧罷金鴉沒，禽花無豔空雲髮。倚闌不寐  
戀殘秋，霜波著瓦琉璃滑。

十月

朝眠戀錦衾，夜飲愁花漏。日影鎖窗高，玉病蘭芽瘦。香熱疑  
甃紅鳳尾，金花透。落葉淨梧宮，西施雙綠皺。

十一月

雕薪爨五鼎，豹胎椒桂香。錦障圍花玉，蠟椽薰華堂。綠熊紫

雜詩三首  
三  
雉交輝光博山雲起夜未央門前白馬嘶嚴霜

十二月

九河濁浪堆頑玉馬影車聲交獨鹿愁雲漠漠日無光旅被  
蒙茸貂不足臨邛美人山黛結梁園賦客朱絃絕素翎丹頂  
是何人泠泠對語堯年雪

雜詩三首

人生抱志節所遇蓋偶然往往中下材逢時幸瓦全盛譽冠  
中區膏明惟自煎支天計不就今爲人所憐

苟生既不易罔死亦何稱生死諒微渺神理儼有憑寢薪以  
待燃履霜未知冰多謝俗中子迷謬何相仍

讀書目力盡鸞弓臂不開栖栖五十載餘生真可哀山川百

戰處昔人已蒿萊於今一具骨不知何處埋

題小刀

一尺清光勢似鉤鏘邊名姓舊來轡未甘孤怯常磨看自恨  
粗疏更密收無質暮煙輕欲動有情秋水凍難流伏飛匕首  
堪爲伴但斬蛟龍不覓侯

偶然

偶然興到愛神仙燒盡丹砂未有緣雲粉可能粧弄玉飛軒  
從自降羊權奔星舊婢羞靈洞繞日神駒秣野田但得餘杭  
有奇酒恆須一醉一千年

偶書

少年孤露長年慵諳死無成愧老農墮地拖腸常作鼠升雲

燒尾未爲龍弓彎也識天心曲弦直方知世不容百事須愁  
愁不得爐邊常美潑醅濃

感舊

當日樓中夜未闌隔簾紅藥露團團清歌出格鯨尊滿醉袂  
霽香風蠟殘暗與美人收墮珥狂教座客笑遺冠重來事事  
陵成谷一片秋陰作晚寒

次韻四時回文宮詞四首

雛鷺小轉乍驚眠內苑花開未禁煙爐鳴疑寒春夢淺鏡鸞  
呵冷曉粧妍鋪堵玉鈿梅飄粉覆殿金條柳暉綿珠露滴殘  
鐘漏斷烏嗁曉樹碧窗前

雷輕響處走和鸞隔院歌聲語笑徹臺樹碧雲侵殿帳清蓮

紅露滴珠丸  
頰鬢綠枕冰  
綃薄膩粉香  
肌玉尊寒開  
扇翠花  
金尾鳳垂簾  
繡額錦龍盤

秋聲一雁唳  
清霜點點苔  
鏡碧砌涼愁  
掩舊屏銀燭  
暗恨題  
新字粉箋香  
鉤鉤月墮梧  
宮夜翦翦風  
寒水殿湯流  
淚暗銷  
魂夢斷樓空  
倚遍數更長

風輕觸處動  
簾釘老榦冰  
花浸水瓶紅  
猷獸爐金冉冉  
急絃  
蠻柱玉冷冷  
空屏畫蠟煙  
飄爐暗牖瓊  
鉤月挂櫺龍  
繡凝香  
椒壁煖重門  
禁院靜垂鈴

古臺城

六朝形勝畫中開  
重疊河山勢盡迴  
誰躍青驄三閣下  
曾聞  
白馬壽陽來  
東游漫費秦王力  
北去空教庾信哀  
此日蘭皋

徒極目百年江表只蒿萊

感事

風景當前漫撫膺東南忍見杞天傾龍盤王氣山空在馬渡  
江湖水未平誰致倒戈攻鐵甕更聞降孽掠蕪城謝安王導  
惟邱墓天塹徒縈十萬兵

梅花

素質先春迥出羣相思何處夢紛紜莫言蕩婦樓中粉只是  
仙人嶺上雲半樹臨風驚曉色一枝如雪立斜曛偏憐最有  
池中水纔得冰開已照君

早春偶題

膩粉妖香一番新庭前蹊畔見精神後先開落原由種紅白

紛張盡屬春醉露東家驚豔笑倚風西子帶微颺王孫莫惜  
頻頻賞須怕吹來散作鱗

酬友人韻

不得梯媒進步難每逢知己但長歎窮如海鳥愁過魯恰似  
蝦蟆怕屬官破飯轉頭成蜨夢直鉤多事守魚灘半生筆硯  
漸朱紫渾是朝饑待一餐

落花

秋菊春松各一時不須惆悵怨殘枝仙桃有實應難種穠李  
無言莫費詞判斷繁華誰是主分張紅白豈容私晚來斜日  
宵來雨試問深閨幾箇知

重經沈氏園

昔年無賴此猖狂一飲從教一石強鬧曉醒時鶯燕亂趁春  
終日蜨蠶忙浮雲帶樹添山影嫩蘂封條鬪日光此事可堪  
惆悵極抱山堂後舊長廊

樂府體

二首

桐生蜀坂上絲生吳箔中兩物不相纏曲意無由通  
起坐不自得無端愁相縈寒飈吹敗葉判是作風聲

讀漢書

天醉初醒赤帝昌從來顧命係興亡蕭公自築麒麟閣卻與  
他時畫覆光

春分日有寄

池塘狼藉草紛紛日帶嫣紅露有文刻意傷春春又半可知

愁煞杜司勳

草

濃掃勻鋪綠不休最宜長路水悠悠  
昭君塚上千年色每逐春風徧九州

畫屏風

時勢妝梳色色新吳娃偏自小腰身  
修蛾雲鬢能多少枉向陽林賦洛神

有贈

隔岸吹唇日沸天羽書惟道欲投鞭  
八公山色還蒼翠虛對圍碁憶謝玄

越鳥

無聊自撚髮邊絲日照殘春午景遲每對茅檐慚越鳥爲伊  
情性戀南枝

有感

禾黍離離天闕高空城寂寞見回潮當時最憶姚斯道曾對  
江山詠六朝

柳枝詞

汴水東來欲下遲千條依舊裊金絲蕭娘流落宣華死當日  
春風爲阿誰

做元微之春詞

一隻黃鸝萬樹花粉墻回處是東家馬蹏爭踏門前路偏認  
蕭郎白鼻騮

戲題

世間無賴是豪家處處朱門鎖好花惟有夢魂難管束任他  
隨意到天涯

行雲

滿袖嗁痕雜酒痕百回消息暗銷魂無端一片行雲起知是  
瑤姬不敢言

送陳確菴遊楚

三戶存亡漫愴情此中神理自難明方城漢水今何似爲我  
投書問屈平

江南雜感

席捲中原氣太麓小朝終見作降俘不爲宰相真閒事留得

丹青夜宴圖

火籠

坐對長明一盞紅  
四更禪榻落花風  
自憐暝老無燕玉  
空倚盧姬舊火籠

錦峯春遊

白雲多處水潺潺  
亂石縱橫翡翠編  
最憶當時黃子久  
愛將縑素寫虞山

感舊

擬託浮波又自休  
水窗鸞鏡見梳頭  
玉郎偏得瑤華贈  
兩燦風輕只載愁

遊仙詩二首

愁來憤憤欲箋天更保紅顏得幾年自爲才高真氣薄不如  
依分作頑仙

金母東家猶小郎摩挲寶劍倚天長笑他后羿調弓矢不射  
妖星射太陽

珠自開花玉自苗瑤窗雲影接丹霄霞襦乞得天孫錦自理  
金梭織鳳毛

臨桂伯墓下

馬鬣悠悠宿草新賢人聞道作明神昭君恨氣莫弘血帶露  
和煙又一春

紀映鍾二十四首

映鍾字伯紫一字伯子號蕙叟自稱鍾山遺老上元

人移居儀真有真冷堂詩稿

池北偶談伯紫負詩名嘗有句云惆悵天涯頭易白

楊花空滿闕江樓佳句也

詩觀二集伯紫詩氣極雄渾識極超卓運置天然自

合尺度

本事詩巖叟與方文林古度齊名白髮當歌紅牙聽

曲說青溪舊事媚媚不倦一日與大梁周在浚若悞

徐俾暨僕輩痛飲燕市城西有絕句云風雅松陵勝

昔時力裁偽體出偏師徐郎本事從珍重始信無情

未是詩謂余所輯續本事詩也

鄭方坤詩人小傳崇禎時張天如張受先楊維斗周

介生輩肇舉復社四方雲集響應各以類從金陵爲

陪京重地山川妍淑風物清華鐘鼓聲聞衣冠都雅

是時扶質垂條星奔川騫者則必以紀伯紫顧與怡

二君爲職志繼丁陽九之阨伯紫以青雲白雲之身

嶮然不滓少與盧江蘊宗伯友善宗伯既貴擢至京

華下榻歲且十稔此外未嘗輕謁一人輕投一刺如

天半朱霞可望而不可卽詩若干卷宗伯爲繕梓以

傳

田按伯紫五古兀傲七言長篇尤痛快淋漓律體老

蒼大都得力於杜老爲多

學圃歌贈鄧孝威

我爲東湖樵子學南山圃相逢大道傍雪涕問勞苦我逢冬  
青樹再拜不敢斧子有東陵瓜屢潰深秋雨生事尙饑寒吟  
詩作蒿堵

渡黃河

黃河接東海道路遠且長白楊風蕭蕭吹彼落日荒孤城蘆  
荻中四顧徒皇皇病馬嘶寒煙老鳥立平岡中歲倦于役筋  
力匪故常舍鞍復望楫意緒如亡羊瞻矚無匹儔觸懷多盡  
傷魚鹽藏聖土販繒亦侯王英雄皆瓦注感此悲浪浪

悲吟

賣畚洛陽市不逢蒿山客蒼蒼山下雲日暮松楸碧我憐王

景畧甘爲符堅畫英雄悲不遇既遇良可惜

觀白石翁三丈畫卷歌

石田畫卷長三丈邱壑幽深氣塊莽大山未斷小山出大溪  
滄泓小溪急山迎溪互密濛濛大松小松查枒橫側交其中  
看過丈餘始閒曠孤亭似有人來往從此山川又奇與渾雄  
一變成蒼峭千流萬壑排空來龍湫鳥道偈天開流觀兩目  
不暇瞬當年落筆何奇哉人觀此翁畫手妙在疾不知翁也  
未盡凝思坐一室忽然盤礴神明開天地低昂萬形失吁嗟  
乎未登太華東南峯未攬河海陟登封畫山卽山水卽水何  
時更得開心胸石田翁落筆茫茫人不測不知翁也何所得  
畫成水石不異人卻教舉世無人識

七月六日方爾止侖山草堂對酒歌

天上雙星未渡河秦淮流水秋生波  
侖山草堂最疏豁短牆風到吹煙蘿  
我從江南徙江北相思不見中情多  
今來喜得話疇昔比鄰客亦聞相過  
謂鄭梅龕竹聲琅琅響寒玉雲陰漠漠  
垂庭柯六街禱雨禁屠割君家生菜盃  
坡陀小烹佐酒雜乾腊懷抱傾吐捐沈疴  
人生動卽千里隔江山况復連兵戈相  
逢縱飲意良足清涼不異棲巖阿  
牀頭鴟夷已交卧脾腕顏色何人醅  
芙蓉花開塘水淺醉來起舞同高歌  
城頭飛雨時一至安得大地呼滂沱

姚寒玉畫古梅屏障歌

姚氏畫梅世稱絕古梅更有寒玉奇  
輕綃尺幅且高閣潑墨

十丈光離離楚江匹紙鴉溪絹五間大屋橫鋪徧崑崙朔客  
當前立大呼落筆如飛電千柯萬蒂花茸茸聚頭交臂重復  
重龍驚鶴攫勢莫喻斷釵屋漏難爲容立者一株掣空墮懸  
石崩虹自礪硤卧者一株強項起病螭矯首肢猶惰初看滿  
壁霏雲霞拂拭珠斗移星槎百回俯仰發狂叫化工在手誰  
能掣姚子精悍身短小少年汗血推騷駉折千鈞四海空  
胸藏五岳孤雲渺偶從筆端出靈怪聖者難名愚者拜腕中  
神物通冥濛指下丹砂更狡獪是日斜陽照積雪疏林燦燦  
寒葩綴羅浮孤山恍對面堂上林間鬪工拙我有心頭萬斛  
愁萬斛之酒澆不休見此妙跡頓空澈松風颯耳清泉流鳴  
呼胡琴何必碎峴碑何必留直從梅花證仙佛照香團裡春

悠悠

送鍾子黃歸鹿宕

送君歸鹿宕山色正蕭蕭  
雨氣江湖白秋聲日夜驕  
殘書披硯戶幽鳥待松寮  
他夕天門月鍾期信可招

過黑石嶺宿壽陽縣

黑石嶺當關停鞭意獨難  
此行堪白骨盡日厭看山  
寨出荒雲外田耕絕壑間  
到來松下驛好月照愁顏

兵至

閩中舊作

糜爛方完額軍書趣借徵  
呼嘯通比屋髭薙淨邱陵  
愛養天心嗇追呼吏牘能  
深山猶伏莽多壘不堪增

三山秋興次李空同河上韻

閩王營土宇封城固重關行省前朝殿層樓鎮海山池隍藏  
厭勝興廢亦循環眺覽情無極斜陽下浦灣

東郡中秋雨中書懷

去歲此宵雨螺江動旅愁夜深明月出呼客共登樓魯酒今  
年醉商聲滿樹秋疏燈人反側浙瀝到床頭

曹縣送陳宗來

同作蒹葭客蕭然河上秋送君歸故里大火正西流匹馬循  
秦嶧離人集楚邱依依城畔柳欲去更淹留

雁門關

太原城北路直與雁門連秦月秋鳴鏑并人夜控弦地圖經  
百戰山勢鎖三邊西望銷兵久淒其弔阪泉

寄紫泥翁

岸草濛濛碧客心愁未終春歸荒牖水麥秀打船風野廟悲  
無主人煙日不同故園櫻筍節知爾念飄蓬

送郭皋旭之大梁

吹蓬燕山風月清朱家樽酒惜離情火流七夕秋初到客去  
三河雁有聲逆旅埽除迎郭泰監門慷慨問侯生此行應有  
梁園賦沙草萋萋繞故城

送吳長文出塞

憶昔相逢濩澤頭大行東阻白雲秋孤城上黨砧初動奇士  
南皮轍尙留廿載再看顏色好餘生強半別離愁輪君結束  
情偏健又著黃衫跨紫驄

廣陵夏夜同與治半千蒼畧訪楚吟城北村舍次與治

韻

顧子乘舟江霧昏杜龔促膝坐前村白雲滿地鄰僧磬黃葉  
封溪處士門傍舍只須山一片閉關常得酒盈樽最憐合併  
如斯少夜半傾泉煮北源

稼公寓齋小集綺季攜被宿陳其年吳子班繼至

日日秋陰雨細飛夕葵開落傍柴扉幽人襍被移書榻古寺  
鐘魚度翠微飄泊酒杯逢李燮疏狂詩句見元暉板橋新水  
添三尺衰柳依依送客歸

張幼仁園居

結構幽居似輞川鷺峯鹿苑一溪連天涯白首歸張翰海內

丹山老鄭虔高閣三層懸暮雪荒畦十畝刈寒煙城陰宅近  
堪來往古路鐘聲不計年

秦淮夏日詞二首

剩水殘山樂事多少年能唱後庭歌搦箏撥阮嘈嘈起月落  
城烏奈樂何

片雨過城細草薰江山如畫烏空聞誰家樓上穿鍼坐一片  
秋雲似舞裙

答元白惠兔脂

梅花如雪下荒廚賀監高懷念老夫何日短衣隨李廣空山  
一矢斃於菟

同戈驛

唐太宗起兵處

李花開出晉陽宮  
義士同戈氣決東  
衰草祇今無馬跡  
滿山落葉戰西風

南風

日日南風吹面皮  
黃沙如雪裹鬚眉  
等閒下馬看流水  
拾得昆陽舊箭鏃

明詩紀事

貴陽陳田輯

卷

顧炎武 十九首

炎武初名絳字甯人崑山人福王時授兵部司務唐  
王立除兵部主事光緒三十四年從祀孔廟有亭林

詩集五卷

李光地榕村集甯人博涉強識好爲蒐討辯論之學  
十三經諸史旁及子集稗野列代名人著述微文碎  
義無不攷究騎驢走天下所至荒山頽阻有碑版遺  
跡必披榛菅拭斑藓讀之錄其要以歸于六書音  
韻尤有獨得有所自漢晉以來後三代之文可讀雅頌  
之音各得其所自漢晉以來後三代之文可讀雅頌  
潘耒遂初堂集甯人先生負絕世之資潛心古學九  
經諸史畧能背誦尤留心當世之故實錄奏報手自

鈔節經世要務一講求當明末年奮欲有所自樹  
 而迄不得試窮約以老然憂天閔人之志未嘗少衰  
 事關國計民命者必窮源溯本討論其所以然足迹  
 半天下所至交其賢豪長者攷其山川風俗疾苦利  
 病如指諸掌精力絕人無他嗜好自少至老未嘗一  
 日廢書出必載書數篋自隨旅店少休披尋搜討有  
 一疑義反復參攷必歸于至當有一獨見援古證今  
 必暢其說而後止當代文人學士語學問必斂衽推  
 願先生凡制度典禮有不能明者必質諸先生墜文  
 秩事有不能知其意以去天下無賢不肖皆知先生  
 竟委人各得其意以去天下無賢不肖皆知先生  
 為通儒也  
 結崎亭集亭先生晚益篤志六經謂古今安得別  
 有所謂理學經學即理學也自有舍經學以言理學  
 者而後邪說以起不知舍經學則其所謂理學者禪  
 學也故其本朱子之說參之以慈谿黃東發曰鈔所  
 以歸咎於上蔡橫浦象山者甚峻於同時諸公雖以  
 苦節推百泉二曲以經世之學推黎洲而論學則皆  
 不合  
 靜志居詩話甯人詩無長語事必精當詞必古雅扞  
 山長老所云清景當中天地秋色庶幾似之  
 明詩別裁甯人肆力於學窮極根柢韻語其餘事然

詞必已出風霜之氣松柏之質就詩品論亦不肯作第二流人

明三十家詩選亭林詩厯弔滄桑語多激蕘茹芝採

蕨之志黍離麥秀之悲淵深樸茂直合靖節浣花爲

一手豈宋谷音月泉諸人所能伯仲哉

田按亭林五謁孝陵四謁撥官辭大科卻特薦之死

靡他遜世無悔爲明末之完人敢聖朝之碩學其

詩包孕羣材扶持風教點竄經籍字句尤見雅裁

### 贈萬舉人壽祺

白龍化爲魚一入豫且網愕胎不敢殺縱之遂長往萬子當

代才深情特高爽時危見縶維忠義性無枉翻然一辭去割

髮變容像卜築清江西賦詩有遐想楚州南北中日夜馳輪

鞅何人訶北方處士才無兩回首見彭城古是衛王壤更有

雲氣無山川但塊莽一來登金陵九州大如掌還車息淮東

浩歌閉書幌尙念吳市卒空中弔魍魎南中不可託吾亦久

三命名一三  
二  
飄蕩崎嶇千里間曠然得心賞會待淮水平  
清秋發吳榜

贈鄔處士繼恩

市中問韓康藥肆在何許  
床頭本草書門外長桑侶  
每吟詩一篇冷然在雲天  
筠穿北固雪艇迷京口  
煙六代江山好  
愁來恣摻討  
蘭蓀本獨芳  
葢桂從今老去去  
復棲棲河東王  
伯齊年年尋杜甫  
一過浣花溪

登岱

尼父道不行喟然念泰山  
空垂六經文不覩西周年  
七十二君代乃有封禪壇  
書傳多荒忽誰能信其然  
既管小天下復親邈古  
前羲黃與堯舜蕩滅同  
雲煙社首卑附地徂徠  
高摩天下視大海旁  
神州自相連天地有變  
虧何人得昇仙遺弓

名烏號橋山葬衣冠末世久澆訛孰探幽明原三萬六千年  
山崩黃河乾立石旣已刊封松旣已殘太陽不東昇長夜何  
漫漫哀哉一顏淵獨立瞻吳門疲精不肯休計畫無崖垠復  
有孟子輿眷眷明堂言庶幾大道還民質如初元上采黃金  
成下塞宣房滿何時一見之太息徒潏潏

謁夷齊廟

言登孤竹山愴焉思古聖荒祠寄山椒過者生恭敬百里亦  
足君未肯滑吾性遜國全天倫遠行避虐政甘餓首陽岑不  
忍臣二姓可爲百世師風操一何勁悲哉尼父窮每歷邦君  
聘楚狂歌鳳衰荷賁譏擊磬自非爲斯人棲棲無乃佞我亦  
客諸侯猶須善辭命終懷耿介心不踐脂韋徑庶幾保平生

可以垂神聽

長安

東井應天文西京自炎漢都城北斗崇渭水銀河貫千門舊  
宮掖九市新屋開雲生百子池風起飛廉觀呼韓拜殿前韻  
利倖橋畔武將把雕戈文人弄柔翰遺跡俱煙蕪名流亦星  
散愁聞赤眉入再聽漁陽亂論都念杜篇去國悲王粲積雨  
乍開塞淒其秋已半惆悵遠行人單衣裁至併

重過代州贈李處士因篤在陳君上年署中

雁門春草碧且復過滹沱爲念離羣友二年愁緒多魯酒千  
鍾意不快龜山蔽目齊都隘卻來趙國訪廉頗還到關中尋  
郭解陳君心事望諸傅吾友高才冠雍州玉軸香浮鈴閣曉

彩毫光照射堂秋人來楚客三閭後賦似梁園枚馬遊句注  
山邊餘舊壘五原關下臨河水青冢哀箏出漢宮白登奇計  
還天子窮愁那得一篇書幸有心期託後車又逐天風歸大  
海好憑春水寄雙魚

千里

千里吳封大三川震澤通戈矛連海外文檄動江東王子新  
開邸將軍舊總戎登壇多慷慨誰復似臧洪

應州

灑南宮闕盡一塔挂青天法象三千界華戎五百年空旛搖  
夜月孤磬落秋煙頓覺諸緣盡臨風獨灑然

閏五月十日

重逢閏五日澶漫客山東郡國戈鋌裏園陵灌莽中草穿新  
壘綠花隔舊京紅更憶王符老飄淪恨不同

京口

東吳北翟戰爭還天府神州百二關末代棄江因靖鹵

靖鹵白柳

鴻當年開土是中山雲浮鶴鶴春空遠水擁蛟龍夜月閒相

對新亭無限淚幾時重得破愁顏

金壇縣南五里顧龍山上有高皇帝御題詞一闕

突兀孤亭上碧空高皇於此下江東卽今御筆留題處想見

神州一望中黃屋非心天下計青山如舊帝王宮丹陽父老

多遺恨尙與兒童誦大風

淮北大雨

秋水橫流下者巢踰淮百里卽荒郊已知舉世皆行潦且復  
因人賦苦匏極浦雲垂翔溼雁深山雷動起潛蛟人生只是  
居家慣江海會如水一切

濟南

落日天邊見二峯平臨湖上出芙蓉西來水竇緣王屋南去  
山根接岱宗積氣蒼茫含斗宿餘波瀉潯吐魚龍還思北海  
亭中客勝會良時不可逢

用按甯人七律講氣格濟南詩云絕代詩題傳子美  
近朝文士數于麟可以知其旨矣

居庸關

居庸突兀倚青天一澗泉流鳥道懸終古戍兵煩下口本朝  
陵寢託雄邊車穿褊峽鳴禽裏烽點重岡落雁前燕代經過

多感慨不關遊子思風煙

與江南諸子別

絕塞飄零苦著書  
揭來行李問何如  
雲生岱北天多雨  
水決淮壩地上魚  
濁酒不忘千載上  
荒鷄猶唱二更初  
諸公莫效王尼歎  
隨處容身足草廬

屈山人大均自關中至

弱冠詩名動九州  
紉蘭餐菊舊風流  
何期絕塞千山外  
幸有清樽十日留  
獨漉泥深蒼隼沒  
五羊天遠白雲秋  
誰憐函谷東來後  
班馬蕭蕭一做裘

過蘇祿國王墓

有序

永樂十五年九月蘇祿國東王來朝歸次德州病卒

遣官賜祭命有司營墳葬以王禮上親爲文樹碑墓  
道留其傭從十人守墓其後子孫依而居焉余過之  
出祝版一通乃嘉靖年者宛然如故其字體令人亦  
不能及矣

豐碑遙見炳奎題尙憶先朝寵曰碑世有國人供灑掃每勤  
詞客駐輪躑九河冰壯龐狐出十二城荒白鶴棲下馬一爲  
鄰子問中原雲鳥正淒迷

讀李處士願襄城紀事有贈

有序

處士之父可從崇禎十五年以壯士隸督師汪公喬  
年麾下以五千人剿賊至襄城死之處士年十六貧  
甚與其母彭氏并日而食力學有聞越二十九年始

得走襄城爲汪公及其父設祭招魂以歸余與處士  
交爲之作詩

踟躕荒郊酌一樽白楊青火近黃昏終天不返封嶠骨異代  
仍招復楚魂湛阪愁雲隨獨雁潁橋哀水助嗷援五千國士  
皆忠鬼孰似南山孝子門

恭謁孝陵

閏歷窮元季真符啟聖人九州殊夏裔萬古肇君臣武德三  
王後文思二帝鄰卜年乘王氣定鼎屬休辰江水縈丹闕鍾  
山擁紫宸衣冠天象遠法駕月遊新正寢朝羣后空城走百  
神九嶷超嶂巢原廟逼嶙峋寶祚方中缺炎精且下淪郊坰  
來獵火苑籞動車塵繫馬神宮樹樵蘇御道新巋然惟殿宇

一望獨荆榛流落先朝士閒關絕域身干戈逾六載雨露接  
三春患難形容改艱危膽氣真天顏杳靄接地勢鬱紆親尙  
想初陵製仍詢徒邑民因山皆土石用器不金銀紫氣浮天  
宇蒼龍捧日輪願言從鄧禹修謁待西巡

王夫之

四十二首

夫之字而農衡陽人崇禎壬午舉人桂王時以薦授  
行人光緒三十四年從祀孔廟有買薇稿漣漣園初  
集薑齋五十自定稿六十自定稿七十自定稿柳岸  
吟落花詩遣興詩和梅花百詠洞庭秋雁字詩仿體

詩嶽餘集

劉蘇延廣陽雜記王而農先生壬申歲已八十矣隱  
居山中未嘗入城市其學無所不窺於六經皆有發

明洞庭以齊天地元氣聖賢學脈僅此一綫耳  
沉湘者舊集那山先生號蓋齋又號雙鬢外史中歲  
稱一孤道人南渡後走挂林依瞿忠宣薦授行人司  
行不崎嶇楚粵黔間備歷艱險後以母病開道歸  
遂名復出緬甸既覆沒益自韜晦嘗匿常甯猺洞變  
姓不為搖人已築土室於石船山名曰觀生居敗葉  
盧又曰湘西草堂晨夕杜門著書滄桑黍離之感生  
死不忘其學深博無涯涘獨不喜陸子靜王伯安之  
說原本淵源尤在正蒙注一書往復辨論所以歸咎  
於上蔡象山姚江者甚峻其志行之超卓學問之正  
大體用之明備著述之精卓宏富當與顧亭林黃象  
洲諸老相頡頏精研六經詩其餘事詞旨深負氣韻  
沈鬱讀之如夏鼎商彝如聞哀猿呶鶴使人穆然神  
肅倚然意遠  
會國藩文正集先生歷述湘西之石船山荒山做楫  
終歲不離其宗曠百世不見而無所於懷先生歿  
變而不離其宗曠百世不見而無所於懷先生歿  
後巨儒迭興或攻良知捷獲之說或辨易圖之說或  
詳考名物訓詁音韻正詩集傳之疏或修補三禮時  
音之儀號為卓絕先生皆已發之於前與後賢若合  
符契雖其著述太繁醕駢互見然固可謂博文約禮  
命世獨立君子已

田拔船山先生明通經史闡明正學尤爲儒者之宗  
究心吟事自述早年問津北地信陽未就而中改從  
竟陵晚乃和阮和陶取境益上自定爲五十六十七  
十三稿余謂先生詩講學則擬白沙定山摹仿則師  
漢魏盛唐下逮於明之作家無所不擬其論詩則辨  
宋元猶是七子成說而於東坡山谷亦多詆諆之詞  
未可盡爲典要然其學問深邃才力宏富古體時與  
魏晉盛唐台榭七律七絕音調洪亮詞旨沈著可與  
適山山谷分席又其遭時多難蠶音屠口之作往往  
與杜陵之野老吞聲皋羽之西臺痛哭同合於變雅  
離騷之旨卽專論詩亦明季一作家也

### 擬古詩四首

臨歧送遠道春草生道傍春草生有時遠行去無方逝水無  
西歸游子怨流光高臺多少風平原足晨霜去者日益永留  
者情益罄玄雲迷四郊方望不得騁思君寒羅幃滅燭無餘  
影棄置良獨艱沒生誓幽乘

陽春二三月綠草被修路青林無鮮華嗚鳩互晨暮淒彼泉  
下人不知春風度馳驅無返轍誰者爲新故往古既復然非  
我獨憂懼天物各推遷胡爲滋驚怖慮苦不得甘蚤計良已  
誤滅性以求眞浮光棧月露鼎鼎百年中含情抱貞素

日落登崇岡顧望青天高四維何茫茫浮雲但蕭騷羣動既  
已息吾身若秋毫自非精誠徹頓動徒已勞精魄無固存奄  
忽成焮蒿及今百年內何者終吾操

古人不可期今人當奈何對酒乍相忘援琴發清歌適意方  
在茲憂患徒相加憤世而忘已吾生亦有涯商山採芝人跡  
邈心自遐

君子有所思行

天道不可見往來孰令親求仁信由已循我得其真宿糧陟  
穹谷問彼度世人浮屠東入漢老聃西去秦鶩神離寶命歟  
景寧輕塵屈理逐所歡淫曼增迷淪孟軻喪齊梁辯言隱于  
春堅壘拒輪攻墨守固重闔傾筐貴所實室遠願不伸夜聞  
曷且急秋驚絡緯新時哉隨逝水極渚暇逡巡

擬阮步兵詠懷

涼風西南來吹此浮雲興連帷相異態奄忽如有憑日暮靈  
雨飛消釋如春冰步上西南山揮手謝太清肝膽一胡越百  
年非我生明滅隨須臾吾心固不能

雲山妙峯菴云是申泰芝鍊丹處

松陰合綠霧木末飛空光幽曠既云密遙情歎已長首夏積

翠鮮亭午條風涼煙容澄岳壑水氣辨蒸湘圓宇目所鏡孤  
立心未央寓形俄邂逅仙遊昔回翔側彼鸞鶴情引茲邱海  
望羽蛻固有待仁樂詎無方懷炎登天庭悲憂陟首陽繕性  
良有藉終焉胡弭忘

瓜圃夕涼

微月流西岑初澄明青叻夕雨一以息樾徑珠露泣窅爾釋  
傾疴冷然得靜善吾生豈不夙物役固未淺往昔從棄捐今  
懷何繾綣精靈寓天宇昭滌隨游衍所思來指遙孰俟心期  
展脈脈香漢間悠悠寄孤撰

廣哀詩

有序

追平生交遊凋替之類仍老棲巖谷惟病相耦而已

夫之自弱冠幸不爲人厭捐出入喪亂中亦不知何  
以獨存諸所哀者或道在死或理不宜死及其時相  
轉會以靖其心以安其命而不肖獨參差了然者蔑  
論箴石卽告語亦杜口矣德業文章志行自有等衰  
非愚陋所敢定抑此但述哀情不以隱顯爲先後因  
長逝之歲月序之杜陵八哀詩竊嘗病其破蘇李陶  
謝之體今乃知悲吟不暇爲工有如此者

管中翰嗣裘

字治仲說李定國迎蹕拒孫可望不果  
甲午遇害於永安州

昂畢南北街牛女東西涯分合各有故精靈終不欺之子自  
跡弛吾生本鈍遲嶽陰義憤激稔臺俯仰悲雨雪封層巒風  
潮盪縹緲翦燈語自協迷影聞者疑駘宕吐丹虹交映爲雌

寬臨歧一執手，畢命成參差。君速沅芷駕，白日照幽思。祕計  
誓齋粉，吾君在憂危。事左果致命，天傾難獨支。哀哉負密約，  
非但泣長離。欲傳幽蠻心，未許流俗窺。魂爽儻夢遇，落日回  
坤維。

南嶽僧性翰

丙申沒

曠昔天狼驕，竄身潭龍吻。螯龍不我攬，親舊但笑听。飛雲護  
杖屨，匿影度岷嶺。側聞蓮花峯，去之雲中近。緇素不相疑，泥  
滓爲拭菰芋或。相貽雪草偶，同攜不足極。死生依之全，曲  
謹往來遂。頻數登眺，鋼疾忿雜心。非謝客妙悟，異龐蘊爲有  
神。駿賞激揚忠憤，隱行歌方亢。爽社稷已齏粉，燒燈相嚮悲。  
坐待鐘聲殷，義旗同崎嶇。償敗無鬱菴，笑指樓閣燼。一如暮

落槿垂死猶致聲心魂尙合脗潭雲空淒迷回望增悲愍

康州謠追哭督府義興相公是去秋同鄉管二中舍會

公地

可憐康州城瀧水從南來龍旗翩翩去何繇蒼梧迷密雲不  
聞秋風起秋葉飛旗翩翩去不歸烏頭黑雀舌白城上飛聲  
啞啞羽林軍神廐馬昨日靈羊溪今日康江下楊花自飛鳥  
自栖相公白旄清潯西康州城下生蒺藜

筵篔引

彈篔篦擊鼙鼓留君君不住素絲玉壺白水清博山蘭膏飛  
煙輕華月微風吹鳳笙他人不語君含情胡爲乎凌狂波而  
亂流從君不果心繁憂東海之魚不可得西飛之鳥不可留

往者不諫來者徒傷寸心炯炯月光千里萬里隨君傍君  
凌濁水不見影青天高懸獨傍徨

不寐

夜火榜人驚江沙依舸平落花逢昨日潮月應初生芳草空  
凝望綠雲詎有情含悽愁夢杳魚柝警嚴城

過李爲好山居信宿

紫雪桐花落綠煙莎草凝閑階斜日轉萍篋緒風勝消息中  
宵酒過從太古僧淹留春病減君似一條冰

待于禮

望望還相待悠悠問此心禽歸孤樹夕月上半峰陰稻徑迷  
紆折荷香送淺深琅然琴韻在莫止動游鱗

早春餘雪屬目偶成

溼雲飛不起一半雪光欺藥裏猶噉昔鸞花笑幾時烏藤苔  
露墜白袷柳風吹知否韶華借閒心早自疑

四月一日

莫更惜春光遲遲愛景長  
楝花三日雨燕子一襟涼  
魚影深搖綠梅腮已上黃  
韶華讀史過天地儘清狂

露坐和白沙

不辨香何際回塘有菱荷  
風來已夏久月上見微波  
草氣從涼淨星光在宇多  
韶華吾識汝枯竹有鸞歌

衡山曉發

擊汰遲楓浦歸心就翠微  
江空雙岸古天小眾山圍  
嶽氣雲

侵縣墟煙月掩扉松杉回望裏一谷曙光飛

病

鑪火微紅壁影搖窗明殘雪遠山椒人間今夕寒宵永故國  
殘山老病消玉愿有年成朽蠹青編無字紀漁樵閒愁四海  
難棲泊藥銚松磴滴暗湖

江行

虔兵入衛氣驕橫歸路廬陵屢夜驚取次渚宮成賊壘蕭條  
淮北盡空城家山近望憐征雁谿路含愁聽早鶯還恐南枝  
棲不穩曉來星影射長庚

耒陽曹伯寶翁丈招同陳耳臣廣文訪杜少陵故墓

孤城斜日射荒邱華表蒼煙對荻洲郢樹秦城悲弟妹天清

野曠弔孫劉傷心素旆陳濤恨回首寒砧白帝秋莫向江湖  
怨飄泊人間還有水西流

讀指南集

揚州不死空坑死出使皋亭事未央鳴鳩春催三月雨楓林  
秋忍一林霜碣門鶴唳留朱序文水魚書待武陽滄海金椎  
終寂寞汗青猶在淚衣裳

秋雨同子直

秋陰何來飛雨淙杜陵歎之後堯江井桐已落不知數水鳥  
無愁聊自雙遊屐幾曾過柳岸青尊只少對蘭缸猶傳錦字  
閑幽獨溼月穿雲上小窗

元日過子直奕

辛金卷十三  
三  
今日何年復歲朝，曉窗新夢試逍遙。韶光流轉誰消息，春賞  
殷勤久寂寥。竹徑雲深通綠鬪，蘭芽雨沁透紅苗。高齋奕散  
前溪路，回望炊煙隔小橋。

長沙旅興

江上紅芽始試春，乳鶯調語止迎人。人間韶日還相識，花下  
暄風已試新。鶴杖恰逢蒼逕輟，漁舟初繞碧波勻。乘乘生事  
餘年在，隨處桃花可問津。

遣懷

乾坤極目不消愁，生事崢嶸只做裘。漁艇可容人釣雪，故鄉  
還似客登樓。探梅的皜丹砂帶，問月殷勤白玉鉤。儘有風光  
相假借，無妨孤棹試中流。

春山漫興

餘春春閨太從容卽次鶯花老  
漸慵送夕柳邊斜照淺留寒  
雨外溼雲重烹餽自惜千年表  
放鶴先栽九里松人事天情  
宜痼疾草堂曲曲暮煙封

元夕

望月玲瓏出淺霞  
背人約莫數年華  
垂楊向夕驚新綠  
蠟炬停風結小花  
寂歷影堂香篆靜  
蕭清春逕蘚紋遮  
南檐欲問平安竹  
好護劉歊處士家

春興二首

嬉春遲暮老廉夫  
長卧歸休舊酒徒  
不分傳家三傳在  
從來亡國一身孤  
玉錢月影窺雙鬢  
碧海雲波認五湖  
一味龍鍾

供世笑蒼天還識老狂無

樓空山遠怪雲蒸返景長天暝色仍千里湘皋歸雁雨九江  
春水釣魚燈馬殷冢在生新草陸遜營荒挂古藤夢裏白蘋  
洲上月遙遙北渚接黃陵

五月前一夕唐心如以近詩見問病廢夜讀久矣卽夕

口占寄意

榴花因雨不得紅溪蓀浹露青煙叢明朝誰續五絲縷新月  
初彎一綫弓楚國神絃惜往誓山中桂樹恩悲翁紙窗晴日  
能相借錦字憑開霧眼空

病起

白髮重梳落萬莖鏡花鏡影兩堪驚水金丹訣聞方士土木

舊膏累友生故國餘魂長縹緲殘燈絕筆尙嶢嶸  
知藥力消冰雪未擬垂楊聽早鶯

昔夢

昔夢閒情一枕蠲閒愁過眼萬心鏘溼雲葉葉垂虹外歸鳥  
泠泠晚照邊礪草自分尋藥徑湖天誰汎釣魚船西清斜月  
能消得片玉輕鬆半影懸

雨餘小步

蓮花蓮葉柳塘西疏雨疏風斜照低竹簪冠輕容雪鬢桃枝  
杖滑困春泥垂虹疑飲雙溪水砌草新添一寸萋不擬孤山  
開放鶴鴉鳩恰恰向人囑

宿別峯菴庶僊策杖來慰時方從哭送先兄歸壟

羃羃蒼煙護小橋回峰斜引上方遙歸禽愍日沈平楚宿露  
冷風潤綠蕉白髮共憐燈影瘦青山未遣淚痕銷憑君昨日  
山陽笛吹徹寒冰慰柳條

別峯菴二如表長老類知予者對眾大言天下無和嶠  
之癖者唯船山一漢媿不克任而表師志趣於此微  
矣就彼法中得坐脫其宜也詩以弔之

延陵未識披裘客楊億還疑轉盼僧銀地界中金屑眼熱油  
鐺裏雪山冰相逢歧路雙趺印願笑懸崖一杖登今日重拈  
唯薦淚秋山葉落冷枯藤

絕句二首

名花珍重試芳叢白酒朱旗醉曉風近日園亭荒落盡百錢

買得一窠紅

河滿子歌聲斷腸人間難挽是斜陽  
桃花零落留桃葉簸蕩  
春風一倍狂

樂府

西腔搖曳接龍游生遣無愁果有愁  
玉管金尊人盡哭梧桐  
無葉不悲秋

哭歐陽三弟叔敬沈湘

菖雨蘋風杜若香懷沙千古弔瀟湘  
遲回怕唱招魂曲不信  
人間別已長

南嶽摘茶詞

晴雲不采意如何帶雨掠雲摘倍多  
一色石菴葉笠子不須

綠簪靚青囊

陸世儀卷十三

陸世儀十六首

世儀字道威太倉州人諸生同治年從祀孔廟有

桴亭集

四庫總目世儀之學主於敦守禮法不虛談誠敬之旨  
施行實政不空爲心性之功於近代講學之家最爲  
篤實故其言曰天下無講學之人此世道之衰天下  
皆講學之人亦世道之衰嘉隆之間書院遍天下呼  
朋引類動輒千人附影逐聲廢時失事甚有借以行  
其私者此所謂處士橫議也又曰今所當學者正不  
止六藝如天文地理河渠兵法之類皆切於用世不  
可不講俗儒不知內聖外王之學往高談性命無補  
於世所以來迂拙之誚也其言皆切著明足砭虛  
矯之弊

鮎埼亭集桴亭先生之論白沙曰世多以白沙爲禪  
宗非也白沙會點之流其意一主於灑脫曠闊以爲  
受用不屑苦思力求故其平日亦多賦詩寫字以自  
遣便與禪思相近或強問其心傳則答之曰有學無

學有覺無覺言未嘗有得於禪也白沙與敬齋俱  
學於吳氏皆以居敬爲主白沙和此曰不再得詩曰  
吾道有宗主千秋朱紫陽說敬不離口示我入德方  
后來自成一家始以自然爲宗而敬齋則終身無所  
轉移是以有狂狷之分也論陽明曰陽明之學原自  
窮理讀書中來不然龍場一悟安得六經皆湊泊其  
言朱子格物之非謂嘗以庭前竹子試之七日而病  
是則禪家參竹篋之法元非朱子格物之說陽明自  
誤會耳陽明才氣過高遠爲致良知之說自樹一幟  
致良知固可入聖然打破敬字乃是壞良知也陽明  
之意主於簡易直捷以救支離之失故聰明者喜從  
之一切放下直下承當心粗膽大祇爲斷送一敬字  
陽明在聖門狂者之流也其論整菴曰陽明講學在  
正德甲戌乙亥之間整菴因知記一書作於嘉靖戊  
子己丑之際整菴自謂年垂四十始志學正陽明講  
學之時也其後致良知之說遍天下而整菴之書始  
出然則非陽明講學則整菴將以善人終其身而是  
書且不作朋友切磋之功其可少哉整菴四十志道  
年踰八十而卒四十餘年體認深切故其造詣精粹  
然其論理氣也不識理先於氣之旨而反以朱子爲  
猶隔一膜則是其未達也陽明工夫不及整菴十分  
之五整菴才氣不及陽明十分之五於整菴吾恨其

聰明少於陽明吾恨其聰明多論白沙弟子曰門戶之盛始於甘泉書院生徒之盛游談奔走廢棄詩書遂開陽明一派東林繼統欲救其弊而終不能不循書院生徒之習以致賈禍此有明一代學術升降之關也論陽明弟子曰姚江弟子吾必以緒山爲巨擘其序傳習錄曰吾師以姚江弟子吾必以緒山爲巨擘修默悟不敢以知解承而惟以實體得今師亡未及三紀而格言微旨日以淪晦豈非吾黨身踐之不力而多言有以病之耶此蓋爲龍谿而發而救正王學末流之功甚大緒山雖以天泉之會歷於龍谿然不負陽明者緒山也終背陽明之教者龍谿也凡先生思辨錄所述上自周漢諸儒以迄於今仰而象緯律歷下而禮樂政事異同旁及異端其所疏證剖晰蓋數百萬言無不粹且醇其最足以分諸家紛爭之說而百世俟之而不易者在論明儒于惟國初儒者曰孫夏峯曰黃梨洲曰李二曲最有名而桴亭先生少知者乃仿溫公所作文中子傳之例采其粹言爲傳一篇以爲他日國史底本

陳瑚確菴集桴亭古風取裁漢魏近體得法李唐不屑爲卑弱不振之調

田按桴亭古體取達詞意不專摹擬五七律格調軒爽音節蒼涼其講學立言不與當世之分門戶涉標

榜者角名爭勝而後名乃益彰蓋能爲潛龍乃能  
爲利見不在一時在千古矣

### 哀黃雀

哀黃雀黃雀飛且鳴飛鳴一何急苦饑不得食荒田草離離  
糝穀無糠糶汝不聞東家之子千金軀朝來自分埋溝渠那  
有餘穀活汝爲

### 送閩中林衡者遊中原長歌

石齋先生天下師君能弱冠長揖之著書如風腕欲脫吐論  
鑿鑿稱雄奇石齋爲君亦拱手畧盡形骸呼小友贈君藥言  
送君詩直欲與君分半畝

石齋贈詩有應分  
半畝與君居之句

天公天公何不

仁忠臣旣死英雄貧嶺雲如山戰骨白至今閩海飛征塵男  
兒致身苦不早雙鬢蹉跎渾欲老安能踟躕轅下駒鳳凰翔

翔在蒼昊束書躡騰作壯游志氣直欲凌九州扁舟千里入  
吳會上書論古驚同儔腐儒如予那足道感君意氣爲傾倒  
揮毫贈我琅玕辭愧乏瓊瑤無以報君今策蹇問中原山川  
漫漫道路昏胡琴欲摔向何處夜半起舞心煩寃金陵城中  
王氣盡蔣山斷樹生芝菌日落江潮殘不波維揚明月歌春  
蚓君不見昔日江東祖士雅擊楫中流淚盈把又不見遼東  
白帽翁語維經典甘孤嫻丈夫處世只兩途吾子坎壈將安  
終中原人才頗不惡風塵往往傾然諾昂然七尺未長貧  
中定可相摸索歸來過桴亭西窗剪燭開短屏交知四海見  
吾子相對使人雙眼青

乙酉元夕婁城盛張燈火有感而賦

塞北旌旗亂江南采色多數天猶有淚溥海但聞歌遊女飛  
金僞王孫曳玉珂太平誠足樂九世奈仇何

張睢陽廟

捍禦功勳烈江淮廟貌尊一時羅鼠雀千古祀鷄豚天地心  
猶在風塵氣更昏英靈如可作慷慨欲同論

遙哭希聲錢公公琪舊令也申酉之難開關嶺海卒死  
王事葬海中之瑯琪山其二弟肇一兼三負遺書至  
妻因賦一律以誌思慕

鶯頭夜隕海濤奔真宰茫茫未可論絕島君臣留正朔瘴天  
風雨葬忠魂誰將心事傳龍比賴有遺書屬弟昆千古塵山  
成恨事臨風遙慟一傾尊

次桓移居胥山之麓自名胥江草堂索贈

越國春深梅李城胥山山下  
一江橫南州高士新開徑吳市  
英雄舊駐兵帆影落窗晴欲  
暝濤聲入簾夜還驚浣溪莫漫  
誇名勝此地滄桑眼倍明

喜宋子猶從海上歸賦贈

十年蹈海一身輕故國重回代已更  
夢裏鯨波如昨日尊前  
鮭菜只平生乾坤何處容孤往  
邱壑吾儕且耦耕  
邈世功夫正無限可能相助一經營

萬卷樓同扶九甫草夜飲

萬卷樓開暮謁天披襟此夕對高賢  
一時人物雲中鶴千里  
交情雪後船震澤長風吹劍氣包山秋色在詩篇  
却憐寂寞

江亭下剩有畸人獨草玄

清明

二月輕寒又禁煙郊原祭掃正紛然桃花欲放鶯初語楊柳  
新垂燕可憐杜老春衣頗自典漢宮蠟燭有誰傳十年樵牧  
冬青老寥落東風怨紙錢

同葛瑞五遊吾谷

湖山久絕剡溪舟忽漫相過續舊遊樹裏波光高出屋松間  
日色冷於秋軟輿素舸芳時樂石馬穹碑故國愁惟有丹楓  
如血淚年年和雨滴荒邱

次韻挽羅稼軒歸葬

稼軒爲桂林留守死難贈臨桂伯  
其孫扶柩歸葬

砥柱乾坤賴老謀那堪宰相盡風流橫江已斷千尋鎖縛國

誰開萬里樓南粵兵戈行殿恨東臬花木故園愁

稼軒思故鄉于桂林

作別墅名小東臬

渡河只有宗留守慟哭相從地下遊

重陽後一日含綠堂雅集

茱萸插罷酒還沾餘興龍山尙未孤萬古乾坤皆草莽一時  
人物在菰蘆月泉閒社天星聚鐵匣緘詩井水枯字內誰成  
三不朽壯心空老北山愚

辟疆園畫社卽席分韻

舉目青山是處愁桃源漁父路悠悠峨眉風雪林巒迴海國  
雲霞島嶼浮欲共向平樓五岳誰從陶峴借三舟不如坦腹  
長松下欹枕看圖作卧遊

出翻陽泛大江作

一葉橫過彭蠡秋大江東下接滄洲半天翻界開長壑萬里  
奔山送急流南國君臣常恃險北來車馬每生愁靖康渡後  
虛名失不用投鞭穩放舟

偶念熊芝岡有作

履霜自爾至堅冰今日何須重歎驚二十年前檀道濟中原  
已自壞長城

過寶帶橋

澹臺湖水綠如油寶帶橋平足練淨好種碧桃三萬樹年年  
花裏作春遊

陳瑚九首

瑚字言夏太倉州人崇禎壬午舉人有確菴集

錢謙益有學集嘉隆之間吳中文章家以聲華浮豔  
爲能事崑山歸熙甫守其樸學言稱古昔與其章布  
弟子端拜雅誦倡道於荒江寂寞之濱於是吳中有  
歸氏之學逮及百年而確菴陳子挺生於百里之內  
磨礪名行鏤礪經術學者確然奉爲大師人皆曰確  
菴子今之歸熙甫也  
王流察舟園彙先生十五與同志陸桴亭世儀盛寒  
悛敬江萊園士韶結文會年二十五始與三人約爲  
聖賢之學壬午舉鄉薦遇黃陶菴曰試若不售受困  
恩洩猶是草野一介耳則竄伏於荒江寂寞之濱著  
書傳道以畢餘生亦中道也陶菴捷先生下第歸間  
京師陷痛哭披衣冠順治丙戌遷居蔚村陳頑潭有  
田數畝躬自荷鋤與諸子講學倣呂氏鄉約朱子白  
鹿洞規溫公真率會遺意青蓮社約法教以人倫相  
戒以不妄言不許私不謀利不作無益又爲講規以  
孝弟力行善爲蔚村三約州守白公以先生名應  
徵峻拒之日執事若不收回成命卽當削髮入山況  
所欲有甚於生萬一急不釋音得毋爲仁政累乎州  
守乃震年六三卒門人私謚安道先生  
畏京詩派桴亭詩以渾灑勝確菴詩以沈雄勝江力  
悉敵

過吳門有感

不泊吳關下，星霜又幾回。  
轡車新使舫，煙草舊歌臺。  
易入王維恨，能令庾信哀。  
桃花綠底事，還傍戰場開。

宿願雅儔草堂

幽人住何處，墨莊東復東。  
卷簾看曉日，散帙坐晴風。  
客語烹蠶豈，僧過翦鹿葱。  
一時借隱樂，可得似梁鴻。

邨居

蘆白楓丹照綠蘋，粘天波浪自粼粼。  
愁知日月催雙鬢，貧覺妻孥絆一身。  
詩卷行吟書甲子，熏爐匡坐守庚申。  
南山當戶明如髻，相對年年似故人。

春日

春上清溪冰復開山村煙景若爲催  
枝頭有鳥窺虛牖門外無人掃落梅  
餉米一囊衝雪去市魚孤棹帶花回  
久知學道能忘世只恐猶添萬恨來

次韻劉文成夏日雜興

綠波渺渺暗荒郊日與忘情草木交  
蘆葉一灣圍鷺宅蓮花千歲老龜巢  
移床就樹雲爲幄倚竹懷人月滿梢  
不用勞勞叩詹尹十年前已決誅茆

鹽鐵塘別石隱寒溪桴亭默菴

回首愁雲思惘然丹分南北淚如泉  
十年兄弟空雙鬢四海功名剩一瓊  
看世有心留白眼埋憂無地問青天  
何時合買深山住欲借襄陽百萬錢

映碧先生見遺地圖

圖畫山川感慨多邊陲風景近如何入關無復蕭丞相聚米  
空思馬伏波兩戒一江橫似線九州五嶽小于螺錯疑留守  
魂歸夜風雨聲聲喚渡河

簡黃攝六

鬢絲初白佛燈紅回首當年事事空花落花開三月裏人歌  
人哭十年中宅邊綠柳思陶令洞裏丹砂問葛翁又見榆煙  
近寒食健兒驅馬鬪春風

所見

萬戶千門一炬焦燕棲林木雨瀟瀟藏春草暗先生塢丁卯  
煙寒刺史橋古寺嘯鳥新鬼哭空城走馬健兒驕舞雞擊楫

都成夢搔首江頭看落潮

送王石谷

臺城秋草暮雲殘  
六代興亡雁影寒  
無限傷心金粉地  
憑君畫出與人看